

docsr.com 古山网
入驻商家 古籍书城
在文川网搜索古籍书城 获取更多好书

中國方志叢書·華北地方·第三二七號

據 清·道光二十年刊本 徐敬等纂修 影印

甘肅省

會寧縣志



成文出版社有限公司印行

9605/15



中華民國五十九年二月臺一版

會寧縣志

全一冊

發行人：**黃成助**

出版者：**成文出版社有限公司**

台北郵政信箱二二六〇五號

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：**東南印製廠有限公司**

和平西路二段70巷83弄29號

內政部登記證內版台業字第一一四七號

道光庚子春月

續修會寧縣志

板藏尊經閣

docsriver 文川网
入驻商家 古籍书城

在文川网搜索古籍书城 获取更多电子书

續修會寧縣志序

會寧之地夏商以前無稽也之周之初秦非子主馬汧渭其季也秦穆公創霸西戎地始在所闢中始皇兼并天下分爲郡縣會寧之縣無聞焉自漢至魏有襄武枝陽祖厲烏水之稱而會寧之名以肇自唐至明有烏蘭

西寧敷川保川之稱而會寧之名始
復其間遷徙不常分合無定山川人
物之紀泯泯罕傳良以昔時地當邊
遠不如今日之轉爲中土也世受鋒
鏑不如今日之安於蕩平也民多散
折不如今日之萃爲都聚也而在有
明隆萬之間套鹵之蹂躪爲尤甚志

經兵燹無復片簡之存前宰高公拱辰之遺跡渺乎不可得矣

國朝雍正間前宰楊公稷乾隆初前宰金公兆琦黃公顯祖皆欲修而未竟其未竟也必有善藁之存而惜乎事隔六十餘年至前宰畢公光堯始拾諸貢生王守基武生范良謨之手

二君子抱殘守闕不爲無功第蠹蝕
之餘夏五郭公均取不免畢公又獨
以已意分爲門類藁猶未脫瓜代匆
匆嗣雖卒業省垣而塵俗之累酬應
之煩亦如余之今日其能有善本乎
畢公去今八九年矣此八九年申星
回歲嬗人事幾更不無可紀之跡乃

司是邑者率多權攝席尙未暖驪駒
在門亦何遑及此編摩也余以道光
丁酉四月來宰於茲問諸耆老以所
急凡厥要務俱已次第舉行至己亥
春將以引

見比上先是亦嘗留心續志而纂而
未成至是始與邑紳周蓮峯及諸紳

士共就之諸耆老乃進而言曰吾侯
之於會可謂勤矣聞夫修志之役或
三五十年而一舉或八九十年百餘
年而一舉猶苦其煩侯於吾邑旣已
急所先務其乃以八九年事蒼之而
續志且當匆匆就道之際不憚殷然
採葺之飛心乎吾民何以樂此不疲

也余曰子亦知余之樂乎其地則由
土也其世則蕩平也其民則都聚也
諸耆老引養引恬熙熙乎太平之代
而余得從容載筆於其際以視隆萬
以前之會邑其時之苦樂何如也耆
老曰然遂書之以爲序昔道光十有
九年三月知縣事臨川徐敬信軒識

卷五



刻會寧縣續志序

邑侯臨川徐公旣調張掖踰半年
走急足寄示巨冊二發讀之會寧
續志也手書屬範爲刪潤按刊大
指以築城垣建驛館郵貧之舍掩
豁之園皆近所增益範與有勞焉
而官師選舉旌典荒政亦宜以時

紀錄俾後有所考門類悉仍前志
分上下兩編舊已述者不贅十年
來因創之故大略備矣範因慨流
俗士大夫視其官如傳舍鮮有爲
民計長从者侯履任僅二載百廢
俱興旣去而猶惓惓若此何怪吾
父老子弟西望依戀誦祝不衰哉

邑志擬於前明萬歷間久已湮沒
不傳 國朝賢宰若楊若金若黃
皆有志未果迨道光十年畢公光
堯網羅放失始成前志十二卷用
心甚勤然以文獻無徵未臻詳備
設當事者皆如侯之因時纂輯聯
而書之何慮漸致闕略乎範老矣

學殖荒落雖承侯命曷敢妄有增
損謹爲繕寫付梓而繼任錢唐陳
公與侯爲莫逆交賢而有文章其
所作有禪事實教化或亦侯所樂
得者竊掇十餘篇附載之云道光
二十年三月修職郎前府谷縣儒
學教諭邑人周西範序

續修會寧縣志凡例

一前志成於道光十一年二月其編葺自十年止今所志以十一年爲始

一前志分十二門今所纂葺僅數年且係續修不欲有所變更而微著應改之義於小序中以俟後之操筆削者

一前志十二門今所葺祇七門每門各有小序其無志者亦有小序繫之申明未續之故

一前志雜紀所葺均有未當今改歸一條入建置志中

一前志分十二卷茲編爲數無多僅分上下二卷

docsriver 文川网
入驻商家 古籍书城

在文川网搜索古籍书城 获取更多电子书

一志例向不收本地見在人著作茲編所採藝文無多不忍割愛各從其類存之以俟後之載筆者定棄取焉

續修會寧縣志姓氏

纂修 會 寧 縣 知 縣臨川徐敬

參閱 會 寧 縣 訓 導蒲城楊暈鳳

校字 會 寧 縣 典 史新城黃九疇

同纂 陝西府谷縣教諭邑人周西範

分編 附貢生 候選 府 經歷邑人柳效祖

拔貢生 候選 教諭 邑人盛烈

孝廉方正西安府儒學訓導邑人范希淹

拔貢生 候補教諭署玉門縣訓導邑人范希湖

陝西 洋縣 教諭 邑人 牟祖蔭

分校 議叙 縣丞 邑人 范希灝

副貢 生 邑人 范希仲

江西 候補 縣丞 邑人 楊鼎

續修會寧縣志序例目錄

徐序一

周序一

凡例一

纂輯姓氏一

金焦集元

卷一

三

續修會寧縣志目錄

卷之上

圖象志 有序

輿地志 有序

建置志 有序

城池關廂

館舍

義塚

養濟院

節烈坊

風土志 有序

賦役志 有序

郵政

學校志 有序

書院

義學

典禮志 有序


秩官志 有序

知縣

人物志 有序

烈女

選舉志 有序



舉人 恩貢 拔貢

歲貢 武舉


卷之下


藝文志 有序

記 碑 傳 祭文

序 頌 詩

雜紀志 有序





Vertical text on the right side of the page, possibly a page number or title, written in a non-Latin script.

續修會寧縣志卷上

圖象志

前志列圖象其一爲星野餘五爲邑境爲城垣爲縣署
爲學宮然圖象以天文爲主而邑境以下皆當屬之輿
地至論天文則鶉首爲秦星井鬼屬雍分秦雍地方數
千里若會寧一邑不過百分中之一耳前志以爲位當
東井則亦東井八宿光象所臨百八中之一耳顧自來
省志首列天文郡邑亦所不廢前志式循其例茲不能
有所加也

輿地志

輿地一類前志分爲九門今規制無更其沿革猶是也
中邊無缺其疆界猶是也崇深如故其山川猶是也井
邑不移其關堡市鎮里甲猶是也若夫古跡則祖厲故
城未夷於北驛麒麟舊塚尚峙於東郊其他隗囂之遺
築渺矣荒垣王曼之牧莊鞠爲茂草前志僅有蒐羅今
更無從搜剔矣

建置志

建置一類前志以爲奠居民資捍衛備積貯通往來奠

不有經營規畫於其間誠哉是言而地處衝邊民多散
析則莫居資衛爲尤亟此城池之圯不可以不修築鑿
之功不可以不志也至於館舍義塚坊表諸門前志未
設雖本類有鋪舍驛遞之紀而司兵以遞公文廩馬以
支急站無與於宦使之夕安也雜記有郭曹諸墓之載
而生存皆在華屋零落亦歸山邱不同於溝枯之孤露
也適館新歌而窮骸乍妥增諸新志不有光歟若中流
砥柱秦天第一坊之登於輿地者以其爲古跡耳今之
所豎遺構旣已無存樹立特從其翊亦建置之類故悉

docsriver 文川网
入驻商家 古籍书城

在文川网搜索古籍书城 获取更多电子书

列於此并改入養濟院之前附雜記者以表哀此窮獨
王政所先之意而他類之無所更移者不復志焉

城池

城 會城建自前明洪武六年知縣事郁彬偕鞏昌衛千
戶傅履始成之恢其制者則成化四年同知羅諭也增
闢西門及西南北郭者則嘉靖間總制劉天和也增闢
東門營東郊及添設敵臺者則萬歷元年知縣戴光啟
也自是規模大備今之城垣其故址也然皆卽土爲墉
未有甃甃之固其砌磚爲堞者則自萬歷三年知縣史

天佑始於後再修於勝國四葺於我朝而乾隆三十年知縣折遇蘭之舉爲最後亦爲最堅顧踵其任者因陋就簡遙逢七十餘年土之崇者夷而爲道路矣甃之累者運而爲井竈矣樓之岑濠之浚者化而爲荒烟寒而爲蔓草矣道光十八年知縣徐敬詳請各上官謀諸紳士倡捐修理七閱月落成高低寬厚悉仍其舊而敵樓角樓周圍堞堞一律甃以新甃額其東之門曰九霄紫氣南之門曰西階鎖鑰西之門曰萬里雄圖北之門曰屈吳保障皆敬所自書由是屹中固外視昔有加焉